

Samningur um fjárframlög til sérsambanda ÍSÍ

Mennta- og menningarmálaráðuneyti, kt. 460269-2969, í samningi þessum nefnt ráðuneytið, og Íþrótt- og Ólympíusamband Íslands kt. 670169-0499, í samningi þessum nefnt ÍSÍ, gera með sér svofelldan samning um ráðstöfun á framlagi á fjárlögum til starfsemi sérsambanda ÍSÍ.

1. Markmið

Markmið með samningi þessum er að styrkja sérsambönd ÍSÍ. Hlutverk sérsambanda ÍSÍ er m.a. að efla mótahald, útbreiðslu og fræðslu í viðkomandi íþróttgrein á landsvísu, auka upplýsingagiöf um íþróttastarf og koma fram erlendis fyrir hönd viðkomandi íþróttagreinar. Sértek markmið hverrar íþróttagreinar eru skilgreind í markmiðasamkomulagi við viðkomandi sérsamband fyrir sig skv. úthlutunarreglum ÍSÍ.

2. Forsendur samnings og lagaheimildir

- 2.1. Framlag ráðuneytisins til samnings þessa er ákveðið 85 m.kr. í fjárlögum 2016.
- 2.2. Eftirfarandi lagaákvæði, sem aðilar hafa kynnt sér, liggja til grundvallar samningi þessum og teljast hluti hans eftir því sem við á: Íþróttalög nr. 64/1998.

3. Ábyrgð

- 3.1. ÍSÍ sér um og ber ábyrgð á úthlutun fjárframlags skv. samningi þessum og gerir samning við viðkomandi sérsambönd vegna styrkveitinga.
- 3.2. ÍSÍ ber ábyrgð á starfsemi sem samningur þessi tekur til og að hún fullnægi kröfum um fagmennsku og gæði. ÍSÍ skal geta lagt fram gögn og skýrslur þessu til staðfestingar, sé eftir því leitað.
- 3.3. ÍSÍ ber ábyrgð á skuldbindingum sem það eða aðilar á þess vegum stofna til í tengslum við samning þennan.
- 3.4. ÍSÍ er óheimilt að:
 - 3.4.1. Afhenda, án skriflegs samþykkis ráðuneytisins, réttindi sín og skyldur samkvæmt samningi þessum í hendur þriðja aðila.
 - 3.4.2. Framselja greiðslur skv. samningi þessum til þriðja aðila og setja með öðrum hætti til tryggingar fjárskuldbindingu skv. 45. gr. laga um samningsveð nr. 75/1997.

4. Upplýsingar, samskipti og eftirlit

- 4.1. Ráðuneytið hefur eftirlit með framkvæmd samningsins.
- 4.2. Ráðuneytið greiðir framlagið í tólf jöfnum hlutum fyrsta dag hvers mánaðar. Greitt er inn á bankareikning viðskiptabanka ÍSÍ.
- 4.3. ÍSÍ skilar ráðuneytinu áætlun um úthlutun yfirstandandi árs, þar sem fram komi m.a. hvernig er áætlað að ráðstafa framlaginu og helstu viðmið sem unnið verður eftir við úthlutun fyrir lok mars.
- 4.4. Ráðuneytið boðar fulltrúa ÍSÍ a.m.k. á einn formlegan fund í október um framkvæmd samningsins.
- 4.5. ÍSÍ ber að skila ráðuneytinu upplýsingum sem það kallar eftir vegna opinberrar upplýsingagjafar. ÍSÍ veitir ráðuneytinu upplýsingar sem það kallar eftir vegna eftirlits með framkvæmd samningsins. Ráðuneytinu er heimilt að framkvæma eða fela öðrum að gera athuganir og úttektir á framkvæmd samningsins. Við eftirlit hefur ráðuneytið aðgang að gögnum hjá ÍSÍ sem við koma samningnum.
- 4.6. Gera skal grein fyrir framlagi ríkisins í ársreikningi ÍSÍ.

- 4.7. Fyrir lok maí næsta rekstrarárs skal ÍSÍ skila ráðuneytinu greinargerð um framkvæmd samningsins og hvernig styrknum var ráðstafað.
- 4.8. Úthlutun fjárframlaga til sérsambanda skal birta á vef ÍSÍ jafnóðum og niðurstaða liggur fyrir. Gera skal sérstaka grein fyrir úthlutun framlaga í ársreikningi ÍSÍ. Ráðuneytinu er heimilt að birta gögnin á vef sínum.


5. Vanefndir og meðferð ágreinings


- 5.1. ÍSÍ tilkynnir ráðuneytinu tafarlaust ef það telur vafa leika á um að það geti uppfyllt skyldur samkvæmt samningnum. Jafnframt greinir ÍSÍ frá úrræðum sem það hyggst grípa til.
- 5.2. Ráðuneytinu er heimilt að draga úr, stöðva og endurkrefja um greiðslur uppfylli ÍSÍ ekki skyldur sínar samkvæmt samningi þessum.
- 5.3. Samningsaðilar munu leitast við að jafna ágreining, ef einhver er, sín á milli
- 5.4. Dómsmál sem rísa kann út af samningi þessum skal rekið fyrir Héraðsdómi Reykjavíkur.

6. Gildistími

- 6.1. Samningurinn gildir frá 1. janúar 2016 til 31. desember 2016.
- 6.2. Hvor aðili um sig getur óskað eftir því að einstök ákvæði eða verkefni samningsins eða samningurinn í heild verði tekin til endurskoðunar séu færð fyrir því efnisleg rök. Endurskoðun skal þá hefjast svo fljótt sem verða má.
- 6.3. Óski annar hvor aðila eftir að segja samningnum upp skal það gert skriflega með sex mánaða fyrirvara.
- 6.4. Samningur þessi er gerður í tveimur samhljóða eintökum og heldur hvor aðili eintaki.

Reykjavík, 10. mars 2016


Karitas Gunnarsdóttir
Starfandi ráðuneytisstjóri


Lárus Blöndal
forseti Íþróttá- og Ólympíusambands Íslands